



ILLUSTRISSIMO
DOMINO, DOMINO

OTTONI

Libero Baroni de Nostitz, Do-
mino in Sezochau/ Hereditario Dno.
in Rockizan, Henffersdorff/ Lobers/ & Profen/ &c.
S. Cæsareæ Majestatis Consiliario, nec non Du-
catuum Suidnicensis & Jauroviensis Plenipo-
tentiario Gubernatori &c. Domino suo
plurimum observando.



*Perquam familiare est, Illustris-
sime Domine Baro, vel corruptis Ma-
gnatum moribus, vel impudenti plebe-
cula, Ovidianum illud: Est quoq;
cunctorum novitas gratissima
rerum. Id, quod meo quidem animo, nunquam veriùs
dici potuit, quam in superioris infelicis seculi ingressu,
quo*



quo bonarum artium contemptus, amorq; voluptatum, tantam in Germaniam hanc nostram, rerum maxime divinarum inscitiam, cum insigni morum corruptela, invexerat, ut, cum Lutherus rudibus ac voluptuosis, & quod inde nasci solet, curiosis in Novitates Germanorum animis, eam doctrinam propinaret, quæ, & verecundia ruborem detraberet, & Epicurum fiducia meritorum Christi nequiter palliaret, & Principum avaritiæ falsum prætexeret aqutatis velum, & sceleribus Fidelium, ut ajebat, impunitatem in vita altera promitteret, & Cælum deniq; nulli clauderet, nisi in Christum non credenti, magna, præ pudor, dicam, an dolor! Germania pars, recens quasi inauratum Lutheri poculum, tantâ siti arripuerit, ut satianda nunquam novis hisce illicitis videretur. Novis inquam; Lutherus enim ipse tom. 8. Jenensi in brevi Confessione, dicit: Als unsere Lehr noch new war / 2c. quæ periculosa & plena temeritatis novitas, ut minus fieret incautis suspecta, eam cœlesti tanquam revelatione munire studuit: Tom. Wittenb. r. Dom. Invocavit conc 27. fol. 26. ubi ait: Se primum fuisse quem Deus in hoc theatrum misit: se primum cui Deus revelarit, ut purum Evangelium Wittenbergensibus manifestaret: ante ipsum neminem scivisse quid Evangelium Christi, quid Baptismus, quid Confessio, quid Sacramenta, quid Fides, &c. Successu deinde temporis, excitatis velut è quiete illorum animis, qui nondum vir-
tuti



tuti & veritati bellum indixerant, se q̄ Luthero masculè
opponentibus, & contra novitates istas gravissimis ver-
bis scriptis q̄ insurgentibus, Lutherus ejus q̄ Assecla, mu-
tatis illicò velis, lupum orinâ pelle, & novitatis, invisum
prudentibus, nomen, mentito antiquitatis habitu exeor-
nare conati sunt, nec velle amplius Lutherani, sed Evan-
gelici, sed Apostolici, & quod mirè, deniq̄ etiam impu-
denter Catholici appellari : quæ tamen veneranda anti-
quitatis nomina, quàm malè Novatoribus hisce conve-
niant, quia & Ego, & plures ante me Alij, ex primis Ec-
clesiæ Conciliis & SS. Patribus luculenter demonstra-
runt, idem ipsum volui pauculis hisce pagellis ex Impe-
ratorum Romanorum Edictis, Rescriptis, Constitutioni-
bus, Legibus, &c. velut irrefragabilibus, nunquam satis
laudata antiquitatis, testimoniis ostendere, omnem eam
fidei nostræ doctrinam, Tridentinâ Synodo (quam, more
Hereticis usitato, moderni Sectarij omnes, ut virgas
pueri, vel ense carnificis scelerati homines, calumnian-
tur, detestantur, execrantur) expressam, antiquam esse.
Sectariorum verò novam, & illos omnes Novatores.
Nisi ideo sibi antiquitatis nomen deberi velint, quod
omnia illa suæ, quam ajunt, fidei capita, in quibus à nobis
dissent, jam olim ab Ecclesia Hæreseos damnata sint.
Sed ne q̄ sic tamen hoc nomen merentur, quando, quod
singula tenuerunt Hæses, hoc quasi è sentina collectum,
ab infris revocarunt, ut vel ideo maximè Novatores
sint,



sint, & merito appellari debeant. Quem tenuem laborem
meum, ut in Silesias pariter quoq; derivarem, alium ibi-
dem Illustriss. Domine non inveni, quam Te, litteris non
minus & Jurisprudentiâ eruditû, quàm armis strenuû:
cujus auspiciis, ut maxima in Provincia ista auctori-
tis, lucubrationum mearum fructus in plures confido
derivandos. Accipe igitur, Illustrissime Domine, be-
nevolo gratiosoq; ut soles, animo, novam hanc armatu-
ram, à Joanne Baptista Ficklero quondam adumbratam,
sed novâ nunc methodo Tridentinæ Synodo accommoda-
tam, quâ instructus, quoniam in Castra nostra veritate
Duce, Dei gratiâ Comite concessisti, tela Novatorum an-
tiquitatis firmitatem & robur mentientia, fortissimo
tanquam clypeo facile retundes, non alio certe effectu,
quàm gloriosâ pro veritate victoriâ, quam Illustrissimæ
Dominationi Tuæ, omnibusq; veritatis amatoribus &
Promotoribus sincerissimo affectu precor. Vienna Au-
stria 1655.

Illustrissimæ Dominationis Tuæ

Servus in Christo

Jodocus Kedd, Soc. JESU.

JUSTI-